



GRADONAČELNIK

Broj: 07-45-2274/26

Datum: 14.09.2026.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2026.godinu („Sužbeni glasnik grada Srebrenik“, broj: 1/26), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), člana 33. stav (1), (3) i (4) te člana 34. Pravilnika o javnim nabavkama Grada Srebrenik ("Službeni glasnik Grada Srebrenik", broj: 7/25), a na preporuku Komisije za javnu nabavku (dalje: Komisija) po Zapisniku o pregledu i ocjeni ponuda (dalje: Zapisnik) broj: 07-45-2274/26 od 07.09.2026. godine za javnu nabavku radova: „Izgradnja rezervoara $V=2 \times 50 \text{ m}^3$ za naselja Behrami i Šahmeri, grad Srebrenik“, d o n o s i:

ODLUKU

O IZBORU PONUĐAČA

I

Prihvata se preporuka Komisije, prema Zapisniku broj: 07-45-2274/26 od 07.09.2026. godine te se Ugovor za **javnu nabavku radova: „Izgradnja rezervoara $V=2 \times 50 \text{ m}^3$ za naselja Behrami i Šahmeri, grad Srebrenik“** u ukupnom iznosu od **153.602,57 KM** (cijena bez uračunatog PDV-a), odnosno u iznosu od **179.715,01 KM** (cijena sa uračunatim PDV-om) dodjeljuje ponuđaču **„ELEKTROCENTAR PETEK“ d.o.o. Tuzla** a u skladu sa ponudom broj: UP0171-26-JN od 25.08.2026. godine i Izvještajem o toku i završetku e-aukcije od 11.09.2026. godine.

II

Izabrani ponuđač iz člana I ove Odluke, dužan je u roku od 7 dana od dana prijema iste, dostaviti dokaze po članu 45. stav (2) Zakona o javnim nabavkama iz tačke 3.1. Tenderske dokumentacije. Dokazi koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude.

III

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.



O B R A Z L O Ž E N J E

Odlukom o pokretanju postupka za javnu nabavku radova: „Izgradnja rezervoara $V=2 \times 50 \text{ m}^3$ za naselja Behrami i Šahmeri, grad Srebrenik“, broj: 07-45-2274/26 od 03.08.2026. godine, pokrenut je postupak nabavke predmetnih radova. Javna nabavka je provedena putem otvorenog postupka, a kriterij za dodjelu ugovora je najniža cijena.

Ukupna procijenjena vrijednost nabavke iznosi 153.845,88 KM (bez PDV-a).

Obavještenje o nabavci predmetnih radova objavljeno je na Portalu javnih nabavki dana 04.08.2026. godine pod brojem: 761-1-3-79-3-127/26 i sažetak Obavještenja o nabavci, objavljen u „Službenom glasniku BiH“ broj: 56/26 dana 07.08.2026. godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda, dostavljene su ponude sljedećih ponuđača:

1. **„Bušenje ispod puteva – BORHTECHNIK“ d.o.o. Brka, Brčko Distrikt**, broj ponude: 12-BT/2026 od 25.08.2026. godine u iznosu od 153.820,24 KM (bez PDV-a);
2. **Grupa ponuđača: „ZLATNIK“ d.o.o. Srebrenik i „ED-MEL“ d.o.o. Lukavac**, broj ponude: 353/26 od 18.08.2026. godine u iznosu od 153.363,71 KM (bez PDV-a);
3. **„ELEKTROCENTAR PETEK“ d.o.o. Tuzla**, broj ponude: UP0171-26-JN od 25.08.2026. godine u iznosu od 153.602,57 KM (bez PDV-a).

Računskom provjerom uočena je računska greška kod ponuđača Grupa ponuđača: „ZLATNIK“ d.o.o. Srebrenik i „ED-MEL“ d.o.o. Lukavac koja je uticala da vrijednost ponude bez PDV-a iznosi 153.363,72 KM a ne 153.363,71 KM. Povodom toga, Komisija je uputila imenovanom ponuđaču zahtjev za ispravku računске greške broj: 07-45-2274/26 od 07.09.2026. godine, a isti je dostavio saglasnost za ispravku računске greške broj: 386/26 od 07.09.2026. godine.

Uvidom u dostavljenu ponudu ponuđača **Grupa ponuđača: „ZLATNIK“ d.o.o. Srebrenik i „ED-MEL“ d.o.o. Lukavac** Komisija je konstatovala ponuđač nije dostavio Aneks VII Spisak povjerljivih informacija. Nadalje, kod Ugovora o djelu na str. 40 Ponude, zaključen između „ZLATNIK“ d.o.o. Tuzla kao naručioca i Sušić Emira kao izvršioca nije ovjeren potpis angažovanog lica Sušić Emira kod nadležnog organa, što nije u skladu sa tačkom 3.4. pod II TD Tehnička i profesionalna sposobnost i to: „... osnov angažovanja za zahtijevano tehničko osoblje (potvrda o uposlenim od nadležnog organa ili ovjereni ugovor kod nadležnog organa o angažovanju za izvršenje ugovora za zahtijevano osoblje sa ovjerenim potpisom angažovanog lica kod nadležnog organa...“. U konkretnom slučaju, ovjerena je samo kopija ugovora ali ne i potpis angažovanog lica. Zatim, Potvrda o uredno izvršenom ugovoru na str. 38 Ponude izdata od strane „METAL REMONT“ d.o.o. Tuzla za ugovor o izvođenju građevinskih radova na objektu za tov pilića u Ledenicama Donjim, Grad Gradačac ne ispunjava uslov iz tačke 3.4. pod I TD Tehnička i profesionalna sposobnost i to: „... da ima uspješno iskustvo kao osnovnog ugovarača u realizaciji najmanje 1 (jednog) ugovora čiji su karakter i kompleksnost isti onima koji se odnose na predloženi ugovor u prethodnih 5 (pet) godina...“. Naime, iz opisa radova – pripremni, zemljani, drenažni, betonski, armiranobetonski, armirački, izolaterski, bravarski, molersko-farbarski, montažni, keramičarski, vodoinstalaterski, električarski radovi Komisija je utvrdila da navedeni radovi po karakteru i kompletnosti ne odgovaraju radovima na izgradnji rezervoara.

Zbog navedenog nedostatka ponuda ponuđača **Grupa ponuđača: „ZLATNIK“ d.o.o. Srebrenik i „ED-MEL“ d.o.o. Lukavac** ocjenjuje se kao neprihvatljiva, jer ne ispunjava kriterije za

kvalifikaciju privrednog subjekta (tehnička i profesionalna sposobnost), u vezi sa članom 2 stav (1) tačka 1) alineja 2) Zakona o javnim nabavkama, te se odbacuje jer nije potpuna i ne ispunjava zahtjeve iz tenderske dokumentacije, a u skladu sa članom 68 stav (4) tačka i) Zakona o javnim nabavkama.

Komisija je utvrdila da su ponude ponuđača „Bušenje ispod puteva – BORHTECHNIK“ d.o.o. Brka, Brčko Distrikt i „ELEKTROCENTAR PETEK“ d.o.o. Tuzla potpune, prihvatljive i pravilne, odnosno da su ponuđači dostavili dokaze tražene tenderskom dokumentacijom.

Obzirom da je za predmetnu nabavku predviđeno provođenje e – aukcije ista je zakazana za 10.09.2026. godine u 10:00h. Kriterij za izbor ponude je *najniža cijena*.

Nakon završene e-aukcije, a na osnovu Izvještaja o toku i završetku e-aukcije od 11.09.2026. godine, Komisija je konstatovala da je za javnu nabavku radova: „Izgradnja rezervoara $V=2 \times 50 \text{ m}^3$ za naselja Behrami i Šahmeri, grad Srebrenik“ prvorangirana ponuda ponuđača ponuđača „ELEKTROCENTAR PETEK“ d.o.o. Tuzla u iznosu od 153.602,57 KM (cijena bez uračunatog PDV-a), odnosno u iznosu od 179.715,01 KM (cijena sa uračunatim PDV-om) prihvatljiva i predložila je Gradonačelniku prihvatanje iste ponude, a shodno članovima 64. stav (1) tačka b) i 70. Zakona, donošenje Odluke o izboru ponuđača „ELEKTROCENTAR PETEK“ d.o.o. Tuzla, te po ispunjenju uslova zaključenje ugovora u naprijed navedenom iznosu sa imenovanim ponuđačem za predmetne radove.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Prilikom donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima.

Iz navedenih razloga, uzimajući u obzir i primjenjujući iznad istaknute članove pozitivne zakonske regulative iz oblasti javnih nabavki odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 3x
2. Službi za poduzetništvo, lokalni razvoj i investicije
3. Evidenciji
4. Budžetu
5. Arhivi

GRADONAČELNIK
Adnan Bjelić

